

治吐逆不止用真黃丹四兩研細米醋一盞煎令乾更以火煨通紅候冷爲末粟米粥糊丸如梧子大醋湯吞七丸不拘時服

治胃寒嘔吐不止用陳皮錢三生薑錢六水煎熱服

治胃虛嘔吐用小米飯湯半盞薑汁一小鍾同服

熱渴煩悶

治發熱口乾小便赤用甘蔗搗汁服 又方雞子三個白蜜一合

和服 又方天麻子五合研碎水二升煮去半分服四五劑

治煩熱少睡用小麥作飯食之

治煩熱不食吐逆腹脹喘嗽用薑汁一茶鍾沙糖四兩慢火熬成

膏每一匙滾湯調服

治身熱口渴，小便不利，用滑石、甘草各研末，拌勻，每服二三

錢涼水服。

治煩悶，用野紅花苗根絞汁飲，或水煎服。又方用葛根搗汁飲。

亦治孕婦熱病心悶。又方用大豆半升，水三升，濃煮汁，食後服。

翻胃膈噎

治膈食翻胃。凡患此症，不拘遠年近日，將死不救，一服卽刻回生。

三服全愈。歷救多人，無不應驗。此方工本無多，須預製就，臨病

救濟，其功不小。每年只製一次。製法：每于五月三十日、月小廿

九日，將不下水生薑，用竹刀刮去皮，細竹篾串成，入無生水糞

坑內浸七日至六月初六日午後取出不可水浸用尿洗去汚穢陰乾每薑一担只可製出十餘觔每服三錢切碎用新瓦焙

乾研細末空心酒下

治翻胃吐食用真蚌粉每服二錢薑汁米飲下

治膈噎神方猫初生衣胞以新瓦焙乾研細末每服一二分好酒送下口含竹筆管睡恐咬牙及咳嗽米不下者五六服即愈取

猫胞法猫將產以木枷枷之恐生出即食也忌燒酒

治膈噎秘授九靈丹至重者無有不愈真西牛黃五錢真狗寶五錢

而細紋旋透者佳赤石脂二兩五錢上好沉香一兩五錢真琥珀二兩五錢

麝香五錢真珍珠百粒重五錢者佳煨豆腐劈砂一兩五錢當門子新珍珠內煮數滾取出全燈草研劈砂一兩五錢錢一半

爲金箔

一千張

右修合須擇吉日虔製諸藥各擇好者分兩配足

爲細末用紅棗煮熟去皮核取淨肉十兩搗爛爲丸如小菴豆
大烈日晒乾磁罐收貯勿令走氣每服七丸約重一分用梨汁
半茶鍾頓熱送下卽煮粥湯進飲忌生冷麪食椒辣發氣之物
俟全愈後方可喫飯併食物均勻調理謹慎切戒氣惱動怒勿
以事務操心靜養開懷自然全愈永不復發

治翻胃膈噎凡有此症大便燥結切不可服香燥藥取快一時破
氣而耗血只用好稠牛乳入白糖少許時時頓熱嚥服自然漸
愈又方佛手乾葶薺蓮子肉紅棗柿餅橄欖桂圓苡仁各一
兩浸大麥燒酒五觔每日飲三次漸愈又方乾柿三枚連蒂

搗爛酒服甚效切勿以他藥雜之 又方石蓮肉爲末入肉豆

蔻末少許米湯調服之 又朝食暮吐暮食朝吐旋食旋吐用

甘蔗汁七升生薑汁一升和勻日日細呷之 又方白豆蔻二錢

去白檀香二錢鬱金二錢共爲細末每服七分用薑汁調藥好熱酒

一杯送下

治噎膈初起用老薑一觔童便浸七日土內埋七日洗淨爲末又

白米土炒爲末各等分飯丸梧子大每晨空心服一錢米飲下

治噎膈用甘蔗汁二碗薑汁一碗每服一碗日三服卽不吐 凡

反胃得藥而愈者切不可便與粥飯惟以人參五錢陳皮二錢老黃

米一作湯細嚼旬餘方可食稀粥用陳倉米不宜便進米穀常

致不救。

哮喘痰厥

治哮喘每早空心吃苡仁粥一碗神效。

治哮喘用核桃肉一兩細茶末五分入蜜三四匙。合勻丸如彈子大不拘時嚙化。又方枳白礬末一匙臨臥白滾湯調下。

治喘急欲絕飲韭汁一升效。

治年高氣喘促用蘿蔔子搗爲末白湯調五七錢食後服或用蜜爲丸服。

治痰喘用胡桃肉三箇生薑三片臨睡細嚼飲湯下就枕又再嚼如前飲湯下卽安。又方用飛過白礬五倍子等分爲末每服

二錢以生豬肝火炙熟蘸藥食後臨臥服。

治痰喘氣急用梨剗空中心納入小黑豆令滿留蓋合住紮緊糠皮煨熟搗作餅每日食之。

治痰喘咳嗽不能睡卧用好末茶白僵蚕各一兩爲末放碗內蒸定傾沸湯一小盞臨卧再添湯點服。

治痰厥用白礬一兩水一碗煎半碗入蜜少許再煎少時溫服須臾吐如不吐再飲熱滾水一盞卽吐自安。

治暴患痰厥不省人事清油一盞灌入喉中須臾逐出痰涎立愈。

治痰迷心經用蘇子萊服子白芥子各四兩鬱金明礬各二兩製半夏

八錢真牛黃三錢共爲末薑汁爲丸每早晚滾水下二錢

同書錄
卷二 雜症類方
哮喘痰厥
天

治多年哮喘咳嗽痰多用明礬一硃砂四錢共爲細末飯糊爲丸每

晚臨臥滾水送下七丸藥完自愈名滾痰丸

并治傷風咳嗽

治不論遠年近日冷熱哮喘三伏日用老薑切片日晒夜露四十

九日足兩天不算晒露足後以此薑片爲細末磁瓶收貯聽用

將糯米一升半白米一升半磨成粉欲服時用粉一二合水和

勻以薑作餡子搓成湯團如小滴圓式待病人熟睡預備滾水

煮熟湯圓輕輕喚醒病者與食之須成單大人十三或十一個

小兒或五或七箇每晚夜服一次不過數次即愈

呃逆吞酸

治呃逆不止用荔枝七個連皮核燒存性爲末白湯調下立止

治欬逆用柿蒂燒存性爲末酒調服

治暴逆氣上噦薑兩三片屢效

治吞酸醋心用吳茱萸一合用水煎去渣服 又方黃連吳茱萸

各一兩水浸七日去連將茱萸焙乾每早四十粒米湯送下

痞積

治痞塊用玉簪葉獨蒜共搗爛川山甲爲末好醋成餅量痞大小

貼之兩炷香爲度其痞化爲濃血從大便出然須量人大小強

弱貼之 又方青油一斤煎滾次下蜜陀僧六兩羌活一兩候成膏

再下阿魏五錢射香二錢退火氣隨患大小攤貼立消 又方大葶

薺一百箇古錢二十箇海蜃一片皮硝四兩燒酒三斤共浸七

日。後。每。早。吃。四。個。加。至。十。個。止。卽。愈。

治驚痕。伏在心下手。揣見頭足時動。以白雌雞一隻。隔一宿不喂。次日猪脂煎飯喂之。每日出尿無問多少。放銅器內用溺拌火。上熬乾爲末。白湯調服。如法以愈爲度。

治積塊。不分男女。左右大小上下。用有香附一觔。醋浸四兩。童便浸四兩。紅花煎汁浸四兩。梔子煎汁浸四兩。各浸三日。晒乾。入乾漆末四兩。全香附炒烟盡。吹去漆灰。再用當歸酒浸炒六兩。山查連核焙乾炒四兩。蘿蔔子頭末二兩。海粉洗淨二兩。共爲末。醋糊爲丸。菜豆大。每百丸。食遠茶下。脾胃虛。白木湯下。治腹中有塊如石。痛如刀刺者。用商陸根不拘多少。搗碎蒸之以

新布裏熨痛處冷再換。

治腹中癖塊堅硬如石者。取白楊東南枝去青皮細切三觔熬令焦絹袋盛用酒一斗浸密封三五日。每食前煖一盞服之。

治痞滿用糖坊內糖漿溫飲一二盞效。

治食粽成痞用白酒麴二丸焙爲末清晨白滾湯下。或酒下。

化痞膏藥用桐油五兩松香八兩當歸一兩熬枯去渣入乳香沒藥各一兩

將起鍋時入真阿魏三錢用紅絹攤膏先以生薑煨過擦肌膚方

貼此膏頻將熱手摩之或炒熱鹽在膏外熨之更好。

諸氣

治諸氣攻刺及感受風寒濕暑飲食所傷中脘痞悶嘔吐吞酸用

陳皮洗淨新汲水煎服。

治走注風毒疼痛。用芥菜子爲末。以雞子白調敷。

治走氣疼痛。用酸醋淬麩皮炒熟熨之。

治流火。用鉄匠生煤炭研極細末。以鎮江滴醋敷上卽消。

治氣卒奔上。呼吸有聲喘急欲死者。用韭菜搗汁飲之。

治氣結聚心下不散。用桃樹上不落乾桃子三箇爲末。每服二錢。

空心溫酒送下。

治心腹惡氣。口吐清水。用艾葉搗汁飲之。乾者煮汁服。又腹中

惡氣。用高良薑炒焦酒煎服。或用胡椒研碎酒煎服。

治冷氣腹痛。用艾葉同香附醋煮爲丸服有效。

治一切冷氣。鬼邪毒氣。艾和乾薑爲末。每服三十丸。

治寒濕脚氣。用川椒二三升。粗布袋盛之。日以踏腳。并煎湯洗足。

治脚氣疼痛。槐柳楮桑桃同煎湯洗。能消腫住痛。先飲酒三杯。

又方。水紅花煮汁浸之。又方。每夜用鹽擦腿膝至足甲。淹少

時。却用熱湯泡洗。又方。用蘿蔔煎湯洗之。或曬乾爲末。鋪襪

內。或用楊花如綿絮。鋪在襪內。尤佳。

治脚氣痛不可忍。以致口眼喎邪。手脚如搐。不省人事。昏迷如死。

用黃建烟二觔。炒熱。以坐桶盛入內。將脚解光。放入烟中出汗。

少冷。又炒熱。隔日一薰。薰七次。即可除根。

治脚氣腫痛及蠱腫。用白花商陸不拘多少。切碎。酒煮熟。連商陸

吃。若腹肚蠱腫。用商陸同米煮粥吃。

治小腸疝氣。用松樹子一歲一粒。燒研灰。用好酒下。粒少者一二
次服。粒多者數次服。又方。橘核晒乾。去厚薄殼兩層研細。每

服五錢。用好酒一二盞。砂鍋內煮四五沸。空心服。再用熱酒一
二盞。一切下部諸疾皆療。又方。荔枝核火燒存性。爲末。酒調

服。又方。以杜茴香一觔。生薑二觔。取自然汁。浸茴香一夜。約

薑汁盡。入茴香內。以好青鹽二兩同炒赤。取出焙燥。碾羅爲末。

無灰酒煮糊爲丸。如梧子大。每日空心食前服三十丸。或五十

丸。溫酒或米飲下。又方。胡蘆巴三錢。焙爲末。黃酒和飲。儘量

蓋被出汗。又方。蕎麥仁炒去尖胡蘆巴酒浸晒乾小茴香炒一

各四兩

雨

共爲末。酒糊丸。梧子大。每空心鹽酒下五十丸。兩月後大便出。
白膿去根。又方。舶茴香杏仁各一兩。葱白焙乾五錢爲末。每用酒服。
二錢。嚼胡桃送下。又方。茴香晚蚕沙各鹽炒等分爲末。蜜丸。
彈子大。每丸酒下。

治疝氣走入腎囊內。五月五日採穀樹葉陰乾爲末。空心酒送下。
又方。棟樹葉碎切。臨發時酒送下。又方。于脚中指節橫紋上。
灸二壯愈。又方。灸外踝穴。在兩脚外羅拐骨下一指。乃圓骨。
下。灸三壯。

治男子陰腫。赤大如斗。人不能治者。以馬鞭草搗爛塗之。又方。
荔枝核。青橘皮。茴香等分。各炒研爲末。每服二錢。日三服。又

方生蔓青根搗封之。

治冷風寒濕氣不拘上下疼痛不可忍者立時見效。用漢防已拘

杞子地骨皮

各等分

爲細末水調作小餅如錢大按痛處放此藥

餅上用真蘄艾丸灸之立愈。

瀉痢

治大人小兒患痢久不愈者陰乾陳蘿蔔英煎湯服立止。又諸

痢以艾葉陳皮煎湯服。又方用老生薑細茶各三錢水煎服

又有加連根韭菜搗汁三味溫酒服。

治腸滑久痢石榴劈破屢簇燒令烟盡急取出不令作白灰用碗

蓋土上一宿爲末以酸石榴一片水一鍾煎湯服二錢

治下痢腹痛欲死。用延胡索三錢。米飲調服。神效。

治血痢久不止。幾危者。白芍八錢。當歸二錢。煎服。立效。又方用

柿餅煎湯。日飲數次。大效。又方。鹽梅去核。研一枚。合茶湯加

醋服。

治熱痢不止。用蝦蟆衣草葉。搗汁一碗。入蜜半盞。煎溫。分二次服。

治白痢腹痛。用百草霜五錢。爲末。熱酒調食。前服。

治赤白痢。用山查五錢去核炒麥麩五錢炒黃二味爲末。紅痢加紅糖

白痢加白糖。紅白俱有。並加二糖。放碗內。滾水調服。又方用

薺菜根葉。燒灰湯調下。又方。荔枝殼。橡斗殼炒石榴皮炒炙

甘草各等分。每以半兩水一盞。半煎七分。溫服。日二服。又赤